



ГБ 4/14

Д. БИБЛИОТЕКА
И. Бр. 14380

Sub MAMMONTE NOSTRO
FABULOSUM ANTIQUORUM
ODONTOTYRANNUM
LATERE, CONJICITUR,
ADDITIS OBSERVATIONIBUS CRITICIS

JUL. VALERIUM.

AUCTORE

FRID. GRAEFE.

(Convenit exhib. die 13. Sept. 1826.)

INGENS illud animal, quod natura elephantorum agminibus praeposuit, *Mammont*, cuius nomen, mutata forte litera, *Mammut* audire jussit usus, *) tanquam pristinus Rossiae septentrionalis incola, propiore quodam jure pertinere videtur ad nos, quibus osseam ejus compagem altissimam, sub nostro tecto stantem, quotidie admirari conceditur. Igitur non parum laetus sum, cum animal hoc, quod

*) Rossis effossa hujus bestiac ossa et dentes constanti usu, sed incerta etymologia, appellantur Мамонтовая кость, cf. Müller, *Sammlung Russ. Geschichte*, T. 3. p. 561. neque Krugius, Collega amicissimus, me interrogatus, meminerat, se aliam nominis formam in antiquis libris deprehendere. Igitur recte videtur conjici, genuinum nomen *Mamont*, forte fortuna vitiosius scriptum, *Mamout*, admissa Gallica pronunciatione, in *Mamut* et *Mammút* abiisse. Cf. *N. Diction. d'histoire nat.* T. XIX. p. 157. 441.



non illepede regnum in reliquias bestias tenere, dici potuit,²⁾ apud antiquum scriptorem Odontotyranni nomine non obscure descriptum reperisse mihi viderer. Etenim alienus a naturalis historiae peritia, quamquam nunc non id mihi sumo, ut ipsam hujus bestiae historiam meis observationibus nova luce illustratumiri existimem — a qua vanitate longissime absum — tamen operae pretium me facturum esse opinabar, si umbram ejus, apud veteres semel detectam, ulterius persequerer aliisque clarius discernendam relinqurem. Et cum naturalis historiae cultores saepe in procudendis, quibus inventa sua designent, nominibus Graecis et Latinis frustra laborare et desudare videamus, licebit hic, nisi me mea prorsus fefellerunt, antiquum iis et bene Graecum nomen odontotyrannus offerre, fortasse eo magis desiderandum, quo minus nomen *mastodon* id clare exprimit, quod ejus auctor illo indicari voluit.³⁾ Praeterea antiquum nomen ὄδοντοτύραννος admodum memorabile est propter perversam interpretationem, qua illud obscuratrici coepit in Lexico SCHNEIDERI, cuius viri auctoritas, principis, cum viveret, in literis Graecis pariter ac in cognitione naturae, mirum non est, si alios quoque in eundem errorem inductura erat. Etenim Schneidero, qui non nisi *Palladii*⁴⁾ et *Vincentii Bellovacensis*⁵⁾ loca parum integra, quibuscum infeliciter *Aelianum*⁶⁾ comparavit, ante oculos habebat, ὄδοντοτύραννος *vermis* est, in *Gange degens*, errore facile excusando, quia quo tempore ille Lexicon suum prima et secunda vice in lucem emisit, nondum editus erat JULIUS VALERIUS,⁷⁾ qui solus, quantum

2) Ita fere *Iulius Valerius* locutus est Lib. III. c. 33. quem locum mox integrum habebimus. Cf. *Diction. d'hist. nat.* 1. 1. p. 440. ubi *pere aux boeufs* non dissimili sensu dicitur.

3) Vide *Cuvierii* descriptionem in libro laud. *Diction. d'hist. nat.* p. 440.

4) de Bragmanibus p. 10. qui scriptor cum Byzantinis conspirat, quos infra videbimus.

5) *Speculum historiale*, V. 60. Vide Schneiderum ad *Aristot. de nat. animal.* T. IV. p. 475. et *Maium* in praefat. ad *Iul. Valeritum*, VIII. 1. p. XIV. edit. Mediol. p. 100. edit. Francof.

6) *de nat. animal.* V. 3. ubi *Schneid.* vidend. p. 143.

7) *Iulii Valerii* immemor fuit V. D. Baehr in *Ctesiac reliquiis* Francof. a. M. 1824. p. 335. ubi de *crocodilo* cogitari posse putavit, aliis scriptoribus diligenter et docte comparatis, p. 334. s. et p. 365.

equidem scio, pleniorum odontotyrami descriptionem nobis videtur reliquise. Itaque si nullam aliam disquisitio nostra bonis literis allatura est utilitatem, monstrabit saltem et emendabit errorem, qui propter auctoris sui insignem auctoritatem pluribus fatalis esse facile poterat.

His praemissis, videamus jam locum illum, qui odontotyram tanquam animal describit, simillimum Mammonti et universo illi generi, quod elephantis proximum Mastodontum nomine complexus est Cuvierius. Extat ille in *Iulii Valerii* libro III. c. 33. *de rebus gestis Alexandri Macedonis, translati ex Aesopo Graeco*, editisq. primum ab A. Maio, Mediolani, a. 1817. p. 166.⁸⁾ et constituit particulam epistolae,⁹⁾ quam Alexander M. ad Aristotelem scripsisse traditur c. 23 — 43. Epistolam esse supposititiam, narrationem fabulis refertam, ut pleraque, quae de Indica Alexandri expeditione circumferuntur, non impedit, quo minus sub hoc fictio historiae colore certa naturae et veritatis vestigia undecunque expressa, passim deprehendi concedas, ut idem de aliis hujusmodi Indiae descriptionibus, olim temere sine omni delectu damnatis, nostra aetate prudentius existimari, multorum judicio comprobatum est.¹⁰⁾ Narrat itaque

8) *Itinerarium Alexandri et Iulii Valerii de rebus gestis ejusdem Alexandri Libros tres* ad exemplar Mediolanense accuratissime repetit editio Francof. ad M. 1818. ubi locus noster p. 244. legitur.

9) Editam illam diu ante Iulium Valerium Alexandri ad Aristotelem epistolam, quam *Maius* cominemorat p. 157. ed. Med. p. 238. ed. Francof. fateor, me nunquam oculis usurpasse, licet multum quae sitam.

10) Missis aliis, que in animo habebam, exemplis notioribns, addo observationem, nuperrime de Tapiro, sub *gryphis* fabulosis latente; Verba sunt *Cuvierii*: *Rapport sur un Mémoire de M. Roulin, ayant pour object la découverte d'une nouvelle espèce de Tapir; Annales des Sciences nat.* T. 17. Mai 1829. p. 111. „Le vrai Tapir brise et avale du bois; dans sa nature un peu brute il saisit avec ses dents toute sorte de corps, etc. Il n'en a pas fallu d'avantage pour dire que le Mé ronge le fer; mais selon M. Roulin, c'est aussi à lui que doivent se rapporter des fables bien plus anciennes et bien plus célèbres. Des hommes peu instruits voyant le Mé ou le Tapir oriental de loin et dans l'état de repos, lorsque sa courte trompe infléchit son extrémité au devant de sa bouche, ont pu croire cet animal armé d'un bec crochu assez semblable à celui de l'aigle, tandis, que ses pieds, divisés en doigts



rex, ut scribentem fingit auctor, se in itinere per medium Indianam, castris ad stagnum quoddam positis, c. 30. subito circa medianam noctem feras omnis formae bestias et monstra plurima ad ripam stagni potos gratia contendentes, una cum exercitu suo conspicatum esse. Licet ignibus pluribus accensis, imo integris sylvis conflagrantibus, periculum tamen eo usque duravisse — jam sequuntur verba auctoris c. 32. — „donec cum lunae occasu, umbrata tellure offusisque tenebris, ad consueta sylvarum refugia omnes illae bestiae remearent. (c. 33.) Non tamen prius memorata saevitatis animantium receptui consulit, quam id animal supervenisset, quod regnum quidem tenere in has bestias dicitur: nomen autem Odontotyrannum vocant eae bestiae: facie elephantus quidem est, sed magnitudine etiam hujus animantis longe proiectus, nec minor etiam saevitudine hominibus egregie saevientibus. Quare cum nostros incesseret, ac ferme viginti et sex de occursantibus viros morti dedisset, tandem tamen reliqua multitudine circumvallatur et sternitur. Adhuc tamen saucijs Odontotyrannus cum indidem fugiens aquae fluenta irrupisset, ibique exanimasset, eix trecentorum hominum manus nisi extractus de flumine est. Hactenus igitur noctis illius nobis periculi finis fuit.“

Sequuntur jam novi terrores, nova portenta, de quibus nunc quaerere non atinet. Praeter duo loca: *eae bestiae et hominibus, egregie saevientibus* aperie suspecta et dubia, sed quibus, ut a summa re alienis, nunc facile carebimus, reliqua omnino clara sunt: nomen odontotyrannus ipsam *dentium* ingentem magnitudinem.

arrondis, ont dû leur offrir quelque rapport avec ceux du lion quand il tient ses ongles retirés; et de là, selon notre auteur, sera née la fable du Griffon. En effet, quand le Tapir est assis et en repos, il rappelle assez les figures, qu'on donne du Griffon, les ailes exceptées, mais les ailes mêmes paraissent être une addition postérieure, et, comme le fait remarquer notre auteur, Hérodote n'en parle point encore dans sa description de cet animal mythologique. Ces idées sont ingénieuses, et pourront être appréciées ultérieurement par les savans qui s'occupent de l'antiquité.¹¹⁾

Locum recepit Froriep, Notizen 1829. No. 504. p. 311. ss. ubi p. 312. aliud habes exemplum in simili causa, *formicas, aurí venas monstrantes* et prominde *formicas, aurum fodientes*.

tudinem et veluti *principatum* significat, et imago absolvitur comparatione instituta cum elephanto, quem magnitudine et ferocia bestia caeteroquin similis multum superare dicitur. Eodem fere modo Mastodon giganteum, Anglis *Mammon* dictum, describitur *Cuvierio*, "il égaloit l'elephant, ait, mais avec des proportions encore plus lourdes. Et quemadmodum elephantes aquas amare et intrare, et mammontis ossa circa flumiornum ripas et maris litora prae caeteris inveniri novimus, ita odontotyrannum par est, circa stagnum reperiri, et saucium, ignibus vix ac ne vix quidem territum, in aquas irrumpere. Denique saevientis vires et vastam corporis mollem quod attinet, cum viginti sex viros morti dedisse et vix trecentorum hominum conjunctis conatus ex aquis extrahi potuisse, dicitur, id in tali certe auctore, qui ubique grandiloquus est, probabilitatem non nimium superare censemus, si reputaverimus, quantam stragam elephas furibundus, cum simul proboscide caedit, dentibus rumpit, pedibus proterit, simili loco inter homines edere valeat, et quantum labor futurns sit, ubi ejusmodi vastum cadaver e paludosso lacus fundo in arduum aut iniquum et lubricum litus exportandum tibi singas.

Itaque, quamquam fabula est, in qua versamur, tamen haec de odontotyranno narratio ita comparata est, ut interna probabilitate non destinatur, et antiquis ex ipsa natura haustis immanis hujusmodi belluae descriptionibus niti videri debeat. Quae descriptiones ubi et a quo primum factae sint, aut quomodo fieri posuerint, nemo e nobis quaeasierit; sufficit monstrasse, rumorem et obscuram de tali bestia famam et veluti imaginis umbram apud veteres extitisse, unde auctor noster colorem narrationis suaem mutuaret. Certe ossa mamontica jam veteres effodere potuerunt.

Neque vero haec descriptio discrepat ab iis locis, ubi idem animal commemoratur, ut, quamvis ibi minus plena sit pictura, ductus tamen, quos videmus, cum perfecta imagine conspirent, eamque confirment.

Sunt haec loca Byzantinorum et Palladii de Bragmanibus, ex quibus Cedremum et Michaëlem Glycam Maii diligentia laudavit. Sed opportune factum est, ut

11) Vide N. Diction. d'hist. nat. T. XIX. p. 457. 441.

Mém. VI. Sér. Sc. polit. etc. T. I.

ab antiquiore GEORGIO HAMARTOLO, quem Cedrenus excrispsit, idem a Glyca passus, initium facere possim beneficio amicissimi KRUGI, qui excerpta *Chronici Hamartoliani*, docta *Haasii*, futuri editoris, manu e Codd. Pariss. descripta sibique missa, benevole mecum communicavit. Igitur Georgius Hamartolus, a fine ejus capititis, quod ipsi *ηνεκή Αλεξάνδρου πρὸς Λαοῖς* inscribitur, cum Alexandrum ad Brachmanes deduxisset, inde a verbis: *ών καὶ τὸν θαυμάσιον καὶ ὑπὲρ ἀνθρωπον βίον* — — μεμαθηκός, ἐξεπλάγη πάντα, per totum caput proximum περὶ τὸν Βραχμάνον, usque ad illud περὶ τοῦ ὄδοντονθάρνον, fere ad verbum cum Cedreno conspirat, a pag. 152. C. edit. Byzantinor. Paris. usque ad p. 153. C. Facta igitur narratione, dividi Brachmanes ab uxoribus suis, interposito Gangis flumine, quod illi quotannis Iulio atque Augusto mense, mulierum visendarum causa, traiicere cogantur, Hamartolus, praefixo lemmate, περὶ τοῦ ὄδοντονθάρνον, ita pergit: *τὸν δὲ ποταμὸν φασὶ δυςπεραιῶτας εἶναι διὰ τὸν λεγόμενον ὄδοντονθάρνον.* Ζώον γάρ εστιν ἀμφίβιον, μέγιστον λίαν, ἐν τῷ ποταμῷ διατάμενον, δυράμενον ἐλέφαντα καταπιεῖν ὀλόκληρον, διὰ τὴν ὑπερβολὴν τοῦ μεγέθους· διὸ ἐν ταῖς τεσσαράκοντα ἡμέραις τῆς περαιώσεως τὸν ἀνδρῶν ἐξείνον ἀφανῆς γίνεται κατὰ θεῖαν πρόσταξιν. Οὐ μήν ἀλλὰ καὶ δράζοντες εἰσιν ἐν τοῖς ἐρήμοις τόποις ἐνείνοις μέγιστοι σφόδρα ὡς πηχῶν ἔβδομήκοντα τὸ μῆκος, καὶ τὸ πάχος πολύ τε καὶ φοινιδεστατον, z. t. 1. Quibus dictis cum verba Cedreni p. 153. C. nec non Palladii de Bragmanib. p. 10. exakte respondeant, placet, utrumque locum ita describere, ut uno obtutu perlustrari possit.

Cedrenus.

Palladius.

τὸν δὲ ποταμὸν φασὶ δυςπεραιῶτα· τὸν δὲ ποταμὸν λέγουσι δυςπεραιῶτον^{)} εἶναι διὰ τὸν λεγόμενον ὄδον· τὸν εἶναι διὰ τὸν λεγόμενον ὄδοντο-*

^{*)} Ut sanum esse potest δυςπεραιῶτας, ita tamen fortasse idem vocabulum subest ac in Hamartolo, δυςπεραιῶτας, quod minus accurate ibi per o in antepenultima scriptum.

Cedrenus.

Palladius.

*τονύδαντον^{**})· ζῶον γάρ εστιν ἀμ- τύδανον· ζῶον γάρ εστι μέγιστον εἰς φίβιον, μέγιστον λίαν, ἐν τῷ ποταμῷ ὑπερβολὴ, ἐνυπάρχον τῷ ποταμῷ, διεισθάμενον, καὶ δυνάμενον ἐλέφαντα ἀμφίβιον^{**}), ἐλέφαντα ὀλόκληρον καταπιεῖν ὀλόκληρον· οὐ ἐν ταῖς μὲν καὶ ἀκέραιον καταπιεῖν δυνάμενον· ἡμέραις τῆς περαιώσεως τὸν ἀνδρῶν ἐξείνον, ἀφανὲς γάρ κατὰ θεῖαν Βραχμάνων πρὸς τὰς ξανθῶν γυναι- πρόσταξιν· οὐ μήν δὲ ἀλλὰ καὶ δρά- κας, οὐκ ὅπλανται ἐν τοῖς τόποις κοτές εἰσιν ἐν τοῖς ἐρημοτέροις τό- εἰσείνοις. Εἰσὶ δὲ καὶ δράζοντες μέ- ποις ἐνείνοις μέγιστοι σφόδρα, πη- γιστοι ἐν τοῖς ποταμοῖς ἐνείροις, ἔως χῶν ὁ, z. t. 1.*

Ante vocabulum ἀφανὲς in Cedreno verbum ad praecedentem sententiam absolvendam deesse, facile intelligitur, intellexit etiam interpres Latinus, cuius interpretationem, quia non uni tantum Cedreno convenit, et textum emendatiorem sapit, addidisse juvabit: „Fluum autem summo cum periculo ajunt traxi, propter odontotyram, (quasi si dentes aevientem dicas) bestiam. Est autem ingens admodum, adeo ut integrum possit elephantum deglutiire; degit eo in flumine, cum quidem etiam in terra vivere soleat; quod genus animalia Graeci amphibia dicunt. Ea bestia Dei jussu quadraginta istos dies, quibus Brachmanes ad suas uxores traxiunt, nusquam extat.“ Postremis verbis intelligitur, interpretem in Cedreno legisse: οὐτοις μὲν ἡμέραις τῆς περαιώσεως τὸν ἀνδρῶν ἐξείνον ἀφανῆς γίνεται, ita ut γίνεται per compendium scriptum cum compendio particulae γάρ permutatum sit, ut fere γράφεται et γάρ permuntari observavit Bastius ad Greg. Cor. p. 803. et γίνεται et τινες id. ib. p. 754. Quae emendatio, ut jam e Glyca probabilis erat, ita plene confirmata est Hamartoli et Palladii auctoritate.

^{*)} Vulgo ὄδονθάρνον impressum in Cedreno; sed verum vidit interpres Latinus et ad Hamartolum observaverat HAASIUS.

^{**)} Vulgo ἀναγίζων legitur, quod BAER ad Ctesiae reliq. p. 334. inter descri- bendum jam emendavit.

Subjiciendus denique Glycae locus, qui paulo brevius de Alexandro agens inde a p. 141. B. ed. Paris. deque Brachmanibus et eodem illo eorum trans Gangem itinere p. 142. B. tandem in fine ejusd. et initio seq. pag. haec habet: ὁ μέν τοι ποταμὸς ὃν δυσπέρατος διὰ τὸ ὄδοντούραρρον ζῶον· καὶ γὰρ οὗτος ἀμφίβιον μέγιστον, ὡςτε καὶ ἐλέφαντας πεπάντειν, εἰ καὶ τοὺς ἀνδρας τούτους οὐ βλάπτει διαπεριουμένους· ἐν δὲ τοῖς ἔρημοτέροις τόποις δούκοντες εἰσιν, z. t. l. Impeditum ab initio participium *σων*, quod cum verbo conjungi debuisse, hic aut delendum, aut potius a negligente scriptore inepte positum, sine anterioris corruptionis suspicione, existimo. Missis criticis minutissimis, palam est, nos in quatuor his locis odontotyrannum rursus tenere, sed imagine admodum obscura et incerta, ut ex his quidem descriptionibus, qualis tandem fuerit, definiri non possit, nihil tamen insit, quod cognitae pleniori imagini omnino aduersetur. Cum enim animal vocetur maximum, fluvium infestans, quod in aquis pariter ac in siccō vivere possit, ita sane de hydra, Lernaeē simili, si nomen aliunde cognitum non habes, aut de crocodili quodam monstro cogitare licebit: sed neque quidquam impedit, quominus, re jam cognita, haec eadem verba de ferociori elephantum genere, quibus ut hippopotamis aquae gratae, sine difficultate accipias. Et cum nimis ab omni probabilitate abhorreat, animal quale demum cunque tibi fingere, quod integros elephantes deglutire valeat: haec elephanti mentio suspicionem facile movebit, ne longe alio sensu illa, et fortasse comparandi potius causa, ad odontotyrannum probabili et simplicissima ratione facere debeat. Ita Hamartolus, Cedrenus et Glycas una cum Palladio novi nihil nos docent, sed agnoscimus in eorum descriptionibus obscuratae imaginis primas aliquas lineas.

Sed fortasse *Aelianus de natura animalium* quem conferre jubet Schneiderus in Lex. odontotyrannum longe alium describit, ac Aesopus noster una cum interprete suo Iulio Valerio? Imo *Aelianus* odontotyrannum non magis nominat, quam *Ctesias*, quem sequitur (vid. ejus *reliq. a Bachio*, editas, Indica §. 1. et 27. p. 247. et p. 255.) et *Aelianus* sectator *Manuel Phile*, Sect. 66. v. 90. ss. qui omnes tres conspirant in describendo Indi, non Gangis, σαελῆντι, qui, cum dentibus

et ipse prae caeteris valere dicatur, male a Schneidero comparabatur. Locus Aeliani non est c. 8. Libri III. ut in Schneid. Lex. editum, quod caput brevissime περὶ ζώων φυσικῶν ἀντιπαθεῶν agit, sed c. 3. περὶ τοῦ ἐν τῷ Ἰνδῷ σκάληρος. Ut intelligatur, odontotyrannum nostrum hic non magis reperiri, quam mammonis aut elephanti speciem, sufficit prima capituli verba apposuisse: ὁ ποταμὸς ὁ Ἰνδὸς ἄθηρός ἐστι μόνος δὲ ἐν αὐτῷ τίκτεται σκάληρος, φασὶ, καὶ τὸ μὲν εἶδος αὐτῷ, οποῖον δήποτε καὶ τοῖς εἰς τῶν ξύλων γεννωμένοις τε καὶ τρεφομένοις: ἐπτα δὲ πηχῶν τὸ μῆκος προϊκονοιον οἱ ἐπεῖδι, εὐρεθεῖν δὲ ἄν καὶ μείζους ἔτι καὶ ἐλάττους· τὸ πάχος δὲ αὐτῶν δεκαέτης παῖς γεγονὼς μόλις ταῖς χερσὶ περιβάλλειν ἀρνεῖσθαι. Τούτοις δὴ ἄγω μὲν εἰς ὁδοὺς προσπέφυκε, κάτω δὲ ἀκλος, τετράγωνοι δὲ ἀμφω, πυγόνος τὸ μῆκος τοσοῦτον δὴ ἀρα τῶν ὁδόντων τὸ κράτος ἐστὶ, ὡςτε πᾶν ὅ, τι ἀν υπ αὐτοῖς λάβωσι, συντριβονοι φάστα, εάν τε λιθος ἦ, εάν τε ἥμερον ζῶον ἢ ἄγριον, z. t. l. Omitto, quae sequuntur de capture monstri — hamo captum triginta homines aquis extrahunt — et olei de cadavere stillantis genere, quod, si ligna tangit, sponte sua incenditur et omnia comburit, ut non secus, ac ignis Graecus et Congrevianus Indis usum in bello praebeat: quae quam aliena sint a nostro loco, ut non opus est, multis demonstrare, ita explicanda sagacioribus ultro reservabimus. Sed clarum est, illud τοσοῦτον τῶν ὁδόντων κράτος, πᾶν ὅ τι ἀν λάβωσι συντριβόντων, Schneidero fraudi fuisse, ut ὄδοντούραρρον, quem nondum alio pleniore loco ad certam animalium classem revocari vidisset, hic tandem plenius, quamquam suppresso nomine, describi, veribusque adnumerandum esse opinaretur. Sed ejusmodi *vermis*, nisi *hydram* dicere malis, certe non *elephantus facie est*, magnitudine etiam hujus animantis longe proiectus, nec minor saevitudine, animal, quod regnum tenere in bestias dicitur, ut clarissima sunt verba in versione Iulii Valerii, supra a nobis descripta.

Ita vero, perspecta re summa, ultro nos in eum locum demeo delatos videmus, unde digressi sumus, et tempus jam est explanandi, quae ambigua ibi et incerta

reliquimus, et si quid fortasse praeterea, quod orationis sive ornatum sine tu-
morem spectat, notatu dignum inveniatur.

Primum offendere vidimus verba: „*nomen autem odontotyrannum vocant eae bestiae,*“ pronominis soloecismo, quo *eae* pro *ei* Codicem habere affirmat Maius. Occurrunt plura plane singularia apud Iul. Valerium, sed hujusmodi vitium vix unquam commisisse videtur. Aut igitur *ei* auctorem scripsisse conjicio, aut pronomen una cum sequenti nomine plane omisso, errore hoc vel illo ad ineptum potius librarium referendo. Et utrumque vocabulum, minus apto loco collocatum, omnino abesse malis; quod si ita erat, poterat *bestiae* ad explicandum superscribi, mox pronomen addi: in quo additamento deinceps homo barbarus fortasse nominativum quaesivit, ut, in quas regnum teneret, *eae bestiae ipsae odontoty-
rannum, tyrannum suum, vocare consueverint, lepida scilicet interpretatione.*

Sed hic locus momentum non habet; alia res est cum altero: „*nec minor etiam saevitudine hominibus egregie saevientibus,*“ Palam est, haec cum antecedentibus conjungi, ita ut animal hoc statura longe major quam elephas, neque vero minor saevitudine, quam *idem*, describatur, una eademq. comparatione utrimque obtinente, ut illud *nec etiam* necessario postulare videtur. Minime itaque ablativi: *hominibus egregie saevientibus* a comparativo pendere possunt, quasi nova sequatur comparatio: *non minus saevus quam homines saeventes*, cuiusmodi sententiae, nimis hic ineptae, frusta probabilitatis speciem conciliare studeas laudato seq. capitulis loco: „*Adhuc alites, quibus apud nos vocabulum vespertilio est, sed quae illic super columbae magnitudinem, dentibus tamen ad humani rictus valentiam saevae sunt, circumvolare coepere etc.*“ Nam hujus loci ratio longe diversa est, si quidem non saevitia vespertilionis cum furore hominis comparatur, quod non minus absurdum foret, sed dentes bestiolae, *columba* paululum majori, tribuuntur tanti, quanti humanum os implent. Neque vero illis *hominibus egregie saevientibus*, si absolutos dixeris ablativos, sensus inest: itaque emendatio hic omnino circumspicienda est, triplici ad eam tentandam via patefacta. Etenim aut in *saevientibus* error est, aut in *hominibus*, et po-

stremum quidem ita, ut aut vocabulum ad comparationem aptum, aut potius instrumentum, quo animal saeviat, latere credatur. Primum si *velis, hominibus egregie se tuentibus* tentari fortasse posset, hoc sensu: neque minus elephanto saevus est in homines — cf. seqq. — quamquam illi *egregie se tueri conentur*; sed durior orationis nexus non facile infucari poterit. Non magis placet, si ad comparationem ulterius exprimendam conjicias: *elephantibus egregie saevientibus*; quod quomodo sic corrumpi potuerit, difficile erit demonstratu. Tertium itaque restat, unice amplectendum, ut, quibus armis bestia saeviat, quaerendum sit. Jam etsi aperte dentes arma sint, quibus principatum tenet, ut de sensu quaerendo satis constet, tamen vocabulum ipsum, quod proprium et impro prium esse potuit, nihil propterea certius est. Etenim *dentibus* si scriptum fuisset, quis hoc vocabulum cum *hominibus* permutatum esse, facile concedat? Sed videtur minus usitata vocabuli forma, et quae facilius cum *hominibus* sive oculorum sive aurium errore confundi potuerit, sub vulgata lectione latere. Sed *minimisnibus*, etsi ab auctoris oratione non abhorret, nondum tamen satis placet. Quid igitur, si Graeca vox subsit, ut *sta-
gnum quoddam dapsile* c. 30. noster dixit, Graeca Aesopi ante oculos habens? Ita prae caeteris placet, *hodontibus egregie saevientibus* scriptum putare, adspiratione citra necessitatem addita, ut *hammoditae*, qui *αμυοδύται* sunt, c. 31. *habundamus* c. 28. *habundantia* c. 23. *ex harenis* c. 34. *Hammon* c. 45. *virgas hebeni* c. 47. et 57. *hejulans* Lib. II. c. 35. et alia plura occurunt. Ipsum nomen Odontoty-
ranni sine adspiratione scribi, rem non magnopere mutat, cum haec quidem dis-
crepanzia librario potius quam auctori videatur tribui posse, ut, cum *habundare* saepius, ut vidimus, occurrat, tamen et *abundans* sine lectionis varietate inveniatur Lib. II. c. 19. Erat tamen, cum subtiliorem emendationem quaererem, sed quae orationem Iulii Valerii non elegantiorem aut magis Latinam redderet, minime tamen ab ejus genio alienam. Fingebam mihi, eum in Graecis tale quid invenisse: ὅψει μὲν ἐλέγας γετί· μεγέθει δὲ καὶ τούτου τοῦ ζῶν επὶ πολὺ προσφέρων, ἀλλ οὐτε μείων ὡμοτητι, τοῖς ὁμονύμοις ἐξαιρέτως μακρόμενος, vel τὸν ὁμονύμων ἐξαιρέτως μακρομένων, quod ille ad verbum reddidisset: *homonymis egregie sae-*

vientibus, ut homonimis ab indocto librario facile pro hominibus sumi potuerit. Nimirum cum ὁδοντοτύραννος, proprie ἀπὸ τῶν ὁδόντων τὴν ἐπωρυγίαν nactus, ita etiam τοῖς ὁδοντοῖς οὐώρυγος videatur vocari posse, licebat fortasse pariter, sententia inversa, dentes vicissim τῷ θηρῷ οὐωρύγοντο appellare. Sed sunt haec, ut aperte dicam, fortasse argutius, quam verius excoxitata, enjus generis explicationes memini aliquando mihi vitio ab amicis verti solere. Caeterum patet et apertissimum est, orationem Iulii Valerii ejusmodi acuminibus, argutiis et c longinquo quaevis elegantiis refertissimam esse, nec videri Aesopum in Graecis multum discrepare potuisse, ut proinde haec scribendi ratio et ipsa Alexandriam nos remittat et in Africae oras, quam patriam, ingeniosa conjectura, utriusque scriptori Maius adsignare conatus est. Ita, si hujus unius capituli orationem hoc sensu spectamus, tale est, quod ab initio legitur: prius memorata saevities animalium, quod simplicius dicendum: animalia prius commemorata, ut ne saeva quidem opus fuerit addere: mox illud, de feris bestiis nimis elegans, receptui consulere; paulo post: magnitudine etiam hujus animalium longe proiectus, nihil significat; nisi: vel hoc animali major, ita tamen artificiose dicitur, ut dubitare possis, sitne Graecismus; hujus animalium proiectus, ut τοῖτον τοῦ θηρίου πλοφέρων, an Latinus construendum proiectus magnitudine etiam hujus animalium, i. e. proiectus pro magnitudine, ultra magnitudinem, ut portu vel fredo proiecti Romanis usurpatur. Sed posterior ratio praferenda: ita enim ipse c. 55, dixit simias, magnitudinem ursorum supervectas, et alio composito: c. 38. arbores coelum ferme proceritudine intervectas. Nihil dico de verbo incesseret, de occursantibus, de illo, indidem, quod in deliciis habet, de poetico aquae fluente et de insolentius usurpato exanimavisset pro expirasset, quod nolim Maius in dubium vocasset, tandem de hominum manus nisu et ipsa capituli clausula: *Hactenus igitur noctis illius nobis periculi finis fuit*, quae mire aures titillat.

Sed ut in his oratio operosa quadam et onerosa sua abundatia laborat, ita alibi angusta premitur penuria, qua eadem imagines et dicendi formulae ad tandem usque repetuntur. Ut in comparatione odontotyranni cum elephanto facit,

ita ubique omnia magnitudine et saevitudine metiri solet, ut c. 29. sed emersi indidem hippopotami magnitudine nescias, an saevilia majores; locum de vespertilionibus c. 34. quae super columbae magnitudinem, dentibus tamen ad humani rictus valentiam saeviae sunt, jam supra vidimus; c. 27. bestiam habemus praegrandi admodum et inopinabili magnitudine et immensae potentiae et paulo post multas ejusmodi saevitudinis facies. Quod postremum vocabulum facies et ipsum adeo frequentatur, ut de ejus sensu in loco nobis primario de odontotyranno: facie elephantus quidem est, ne minimum quidem dubium superesse possit. Apertum enim est, non dici illud de ore tantum et rutilo, sed de tota corporis forma totoque aspectu, ut in loco praecedente multas illas saevitudinis facies de diversis saevarum belluarum formis et c. 55. animantium genera, facie peregrina, dixit; ita c. 38. arbores habet, simili facie, qua cupressus; c. 23. promontorii faciem; et c. 58. opera artis ad veri faciem expressa.

Sed quibuscunque naevis Iulii nostri oratio laboret, descriptio odontotyranni satis omnino clara est, neque quidquam continet, quod fidem excedat, nisi fortasse numerum trecentorum hominum, qui cadaver e lacu extrahunt, non nihil immunitum cupias. Et cum multa ille ferarum nomina multaque facies (c. 27.) describat, discrimin tam tam facile sentitur, quibus imaginibus veritatis color, nescio, unde deductus, clarus obscuriusve subsit, et quae totae fictitiae, si paulo proprius spectentur, in nebulae diffluant, et phantasiae portenta agnoscantur.

Ita rerum naturae, adeoque Indico, nisi fallor, coelo debentur vespertilioes illi, c. 34. columbarum magnitudine, de quibus jam supra sermo fuit; et videntur digito monstrari posse rhinocoraces, aves, quas eodem cap. Valerius commemorat: *Tum rhinocoraces inseculae*, sed eae sane neque ad homines saeviebant; neque ignes temere advolabant, nomen clarum et commendabile, quo avis *Buceros Rhinoceros* non potest non agnoscii, quae venatores comitari et abjectis ferarum intemis ali traditur.¹⁾ Fabula tantum est, quod nocturno nunc tempore in medium

¹⁾ *Vide Dictionnaire des Sciences naturelles*. Strasbourg 1817. T. VI. p. 195.
Calao, Buceros, „l'excroissance du bec a porté quelques naturalistes à les appeler
Mem. VI. Sér. Sc. polit. etc. T. I.

producitur, uti rursus fabula est, quod omnis generis animalia in unum nunc locum a parum canto narratore undique constipantur. Denso enim agmine hippopotamos habemus c. 29. rhinocerotes et elephatos; porro leones, tanro majores, apros, pardos, lynces et tygrides c. 31. quo in loco Maius male edidit: „lynxes quoque et tigrides, scorpii cancerique una elephantis;“ recte Cod. *lynxes quoque et tigrides, correpti utrique una elephantis*, i. e. conjuneti, consociati cum eleph. Etenim scorpii supra jam dantur, ubi et reptilia, ammodytae (*ἄμυοδύται*) et cerastae (*ζεράσται*). Dubium autem manet, quid faciendum *buriis*, cum elephantis conjunctis, et vix satis apte cum *buricis*, ut M. conjicit, permutandis, et an *tyreelephantes*, qui proximi sunt, fortasse in *taurelaphi* transformari debeant, a Cosma Indoplesta descripti. Restant duo obscura nomina initio c. 34. fortasse fabulis adnumeranda: „*Tenebris post occasum lunae omnia obumbrantibus ynitapolicas viseres de harenis profundis emergere, non minus longitudinis cubitis X eaeque quo poterant homines involont.* Tunc ex iisdem harenis *corcodrilli extantes passim invadunt quadrupedia militaria.*“ Non animalium tantum sed vocabulorum etiam portenta nobis offeruntur. Ad postremum quod attinet, quis non continuo *crocodili* conjiciat, nisi mirum maneret, crocodilos, missis hominibus, jumenta tantum vexasse, velut oestri genus. In altero nomine, vide, ne *ναυταιλόπτηρας* lateat, et hyaenae, nescio, quae species intelligenda sit, paulo tantum longior descripta, quam in rerum natura deprehendi soleat. Veram et genuinum cum ficto et fabulo fortasse etiam supra mixtum, ubi seris bestiis humanarum formarum portenta immiscet, extremo cap. 31. „*cum his homines senis manibus portentuosi:*

oiseaux rhinocéros, quoiqu'une seule espèce offre l'apparence d'une corne semblable à celle de ce mammifère; mais des rapports avec les corbeaux et la fausse opinion qu'ils fréquentoient les lieux aquatiques leur ont fait donner par Brisson le nom encore plus impropre d'*hydrocorax*.“ et p. 198. „*Calao rhinoceros, Buseros rhinoc.* Linn. Levaillant pl. 1. 2. Cet oiseau se trouve à Sumatra, aux Philippines, à Java et dans d'autres climats chauds des Indes. *Bontius*, qui lui donne le nom de *corbeau cornu* des Indes, dit qu'il vit de charogne et qu'il sui les chasseurs pour manger les intestins du gros gibier que ceux-ci dépeçent sur place etc.“

imo antipodes et cynopendices, multaque formarum humanarum genera invitata.“ Qui signa deorum Indicorum, saepissime quatuor, sex, et multo pluribus brachiis portentosa, unquam oculis usurparunt, libenter nobis concedent, inde rumorem de ejusmodi hominibus apud exterios, quibus forte itidem visa, originem trahere potuisse. Ita et hic veri quid suberset, sed fabulis inepte deformatum, ut simius fortasse annumerandi *antipodes*, quibuscum Megasthenis apud Plinium H. N. VII. §. 2. T. 1. p. 372. l. 28. Hard. *homines aversis plantis compares, et canipendices*, ut concinnius scriberetur, si, quod suspicor, *caudati* sunt, quibus cauda canina dependet.

Sed merum phantasiae monstrum est, quod *hebdomadarii* nomine non minus monstroso commemoratur c. 27. „*Tum in illo promontorio* (edit. Francof. omisit in praep.) *bestiam quoque vidimus, praegrandi admodum et inopinabili magnitudine, quam hebdomadarum vocant, adeo immensae potentiae rem, ut illi per facile insistentes etiam super dorsum elephantos cerneremus.*“ Nomen non sanius erit, si *έβδομοθήγοιον*, quasi *septem animalium complexum*, conjicias; neque animal fiet, quod aut nihil est nisi nebula, animo oculisve offusa; aut insula fortasse natans: nam promontorium memoratum *mari imminet subjacenti*, vid. c. 23.

His ita de Odontotyranno, Mammonte nostro, si recte vidi, et de caeteris, quae naturalem historiam proprius tangunt, disputatis, corollarii loco subjungere placet emendationum criticarum eas, quae per totum Iulii Valerii opus, inter legendum, paulo maius momentum habere mihi visae sunt.

Ut igitur a proximo loco Lib. III. c. 23. incipiamus, de Prasiace incolis editum est a Maio: „*Enimvero quod istum colunt hominum nescias invitatus an inauditius genus: hique sunt promisce mares atque aliud secus: omnes tamen ad nostrata corpora, quibus sunt feminine moliores. Nam et vetus sermo eos molles Sabaeos appellat.*“ In primis verbis, quod aut redundant, aut legendum: *quoad istum sc. locum cf. anteced. Mox scribendum: hique sunt promiscue, mares et alias (vel: quod rectius certe esset, alterius) sexus: omnes tamen ad nostrata corpora, quibus sunt foeminae, moliores etc. i. e. sunt quidem et apud eos*

mares et foeminae, omnes tamen moliores, quam apud nos foeminae. Paulo post c. 30. „quameis tanta vis sitis ejusque desiderii homines incessisset“ imo: tanta vis sitis, potusque desiderii: nam alterum absurdum est. Paucis lineis interpositis, sequitur: „eminus video in quadam adjacenti eminentia“ ut Maius mutavit, nam in cod. est: *adjacentis tuminentia*, scribendum igitur erat: in quadam adjacentis *tumuli eminentia*. Cap. 32. „idque certamen in eo usque novis vitandis periculis fuit, donec“ — iam sequuntur verba, supra a me descripta. Sine dubio prae-positio *in* delenda est. Cap. 54. Alexander Candacis regnum intrat, ubi: „Uvae ponderis et densitatis immensae prorsus, ut singulis acinis vel inprobis si majoris hiatibus non occurras.“ Codicem habere: *vel inprob.* referens Mains addit: Hand scio, an dicendum *inplearis*. Sed neque hoc, neque id, quod recepit, sensum habet. Literis recte junctis, verba facili negotio coēunt: uvae immensae prorsus, ut singulis acinis vel *inprobissimis oris hiatibus non occurras*, i. e. tanti sunt acini, ut ne maximo quidem oris hiatu capere possis. Vides, Maio unam illam syllabam cognominem *mai* fraudi fuisse. Caeterum *oris* mentio plane necessaria erat, ad hiatus, qui multi dantur, accuratius defniendos. Verbum quod attinet, ad sensum perinde est, sive *occurras* emendemus, sive *ocurses*, quo frequentativo auctorem delectari, supra adnotavimus. Paulo post lectio Cod. *potiori* non potiundi legenda, sed *potiri*, cum infinitivus ab hoc certe scriptore non minus dici possit quam gerundium. Capite proximo 55. Mains edidit: „et simias viseres, facile magnitudinem ursarum nostrantium supervectas, formasque varias simiarum: quas distinguere difficile est (ab) hominibus non insignitis.“ Postrema intelligi non possunt; sed cum, teste editore, in Cod. legatur: quas *eī ferre* difficile est *hominibus non insignientem*, manifestum est, auctorem scripsisse: quas *efferre* difficile est hominibus, *non insignientem*, i. e. quas difficile est, voce, verbis efferre, imo *effari* et describere hominibus, cum signo, imagine repraesentare non licet, μὴ ζειτοροφοῦντα, ut Meleagri verbo utar. Proxima verba agunt de loco, ubi Διὶ conspiciendos se prebere credebantur: „Addebat quippe Candaules et vocatos hominibus respondere et vultu quoque se regibus confiteri.“ Sed postrema non ita

leguntur in Cod. sed: *vultus esse quo sint regibus confiteri*, unde vix litera mutata legendum: et *vultus esse, quos in regibus, confiteri*, verbo postremo passive usurpato: in confessu esse, Diis vultus esse, qui sint regibus; plures igitur vidiisse ibi Deos. Doctius autem videtur *quos regibus vel quos in regibus*, quam, quod non remotius est, qui sint regibus, etsi hanc constructionem frequentat, ut arbores *quae* sint procerissimae, exennt c. 57. et *quae* celsae sint in fine seq. cap. Cap. 57. Candacis aula describitur, splendidissima atque ornatissima: „*Omnia veste serica, colore purpurea, intexta auro, gemmis admixta quae veste coepita fuerant et perornata.*“ Bis adnotavit editor, haec ita legi in Codice, sentiens, nullum verbis sensum inesse. Nisi fallor, voluit auctor: *Omnia veste serica, colore purpurea, intexta auro, gemmis admixta, qua (veste) coepita erant, ea et perornata*, i. e. *omnia, cubicula puto, uti semel coeptum erat, ab initio usque ad finem perornata erant tapetibus sericis, colore purpureis, auro intextis, gemma denique distinctis.* Cap. 58. miratur Alexander fluvios auro (et argento) divites et corruscantes; „*sed eorum litus — pergit Iulius — et margines inservis arboribus convirescunt, quae celsae sint et odorae; cypros denique gentiliter vocant fructu suavi et umbrosis frondibus diviles.*“ Sana haec non sunt; sed emendatio lubrica est, nisi fortasse Cod. lectionem *odore* viam monstrare dixeris ad hujusmodi transpositionem: „*arboribus convirescunt, quae celsae sint et umbrosis frondibus divites: κυπείων denique, quem gentiliter vocant, fructu et ordore suavi.*“ Quod hic dicitur, *gentiliter*, lingua gentis suea vocant, de κυπείων, si recte hoc nomen reposui, non nimis erit urgendum. Sed haec transpositio non eam externam probabilitatem praefert, qua alia mihi se commendavit, rara et memorabilis in prosae orationis scriptore. Locus est in illo Alexandri cum Brachmanibus colloquio c. 18. Libri III. paginae versibus in Codice, unde haec ducta, ut videri debet, forte fortuna in hunc modum dispositis:

Post quaerit

- 1) *ex alio, utrumne vita fortior, an vero sit mors?*
- 2) *orientis vigor, marcentior vero viseretur occiduus;*
- 3) *ortumque hominis esse quo vivitur vitam esse*

4) responsum est, quod solis quoque serventior

5) contra quae quo frigeat.“

Ita totus hic locus se habet in Codice, subscrispsit Maius not. e. de emendatione aut interpretatione, ut videtur, plane desperans. Sed dispositis in hunc ordinem versibus, 1. 4. 2. 3. 5. et uno vocabulo *vitam* (v. 3.) in *mortem*, — quod natura quotidie facere amat, — mutato, alterutroque pronomine *quae* vel *quo* (v. 5.) expulso, sententia integritati suae restituta haec est:

Post querit

1) ex alio, utrumne vita fortior, an vero sit mors?

4) responsum est: quod solis quoque serventior

2) orientis vigor, marcentior vero viseretur occiduus;

3) ortumque hominis esse, quo vivitur, *mortem* esse

5) contra, quae frigeat.

Haec clarissima sunt, de quibus vix quisquam dubitaverit; et *vitam* quod attinet, in *mortem* mutatam, ne ingeniosius quam verius factum videatur, pendendum est, deberi hanc *vitam* sine dubio homini sciolo, qui, cum mortem hic interponi non concoqueret, elegantius jungi putabat: *quo vivitur, vitam esse*, de reliqua sententia securus. De pronomine expulso non opus est dicere; nam utrumque simul: *quae quo frigeat*, id certe tolerandum non esse, vel coecus perspiciat; utrum autem relinquas, ad sensum ita parum interest, ut disputare de eo non sit operae pretium.

Redeo ad c. 59. ubi sermo est de „*lapide, cuius quidem fulgor ignitus est* (nam lignilem etiam vocant).“ Scribe lychnitem sive λυχνίτην. Cap. 66. „*Ubi igitur ad id loci Alexander venit, quas Candaules ei deorum domus esse confessus est, et sperat posse illic sibi cum diis immortalibus verba ex praesentium copia opinari.*“ Hic in media sententia post *est* delendum *et*; in fine autem legendum videtur: ex praesentium *copia communicari*, his scriptum *copi copi et com* errorem peperit. Cap. seq. lepidus est Maius, cum p. 298. *celibatum novo sensu dictum opinatur*, cum manifesta sit lectio gemina: „*aditus convicio coe-*

litum, ago una cum Diis.“ — Cap. 71. Amazones annum sacrum commemorant, „*quod hippophama vocitamus*“ ajunt; an ἡπλόθυνα? Certior videtur esse emendatio c. 83. Describit „*homines absque capillis corporatos: namque his hominibus oculi pectoribus inhaerentes: atque os omne caeteraque oris in parte corporis situm plurimum mirabamur.*“ Ita locum in Cod. se habere, iterum affirmat Maius. Fortasse legendum: „*atque os omne caeteraque oris in ea parte corporis (i. e. pectore), sicut plurimum, vel sita, cum plurimum mirabamur.* Sequitur locus de Troglodytis: „*qui subter terram, domiciliis sculptis ac fossis ad serpentium instar successus sibi et habitacula laboravere,*“ imo secessus. Similem, sed difficilior emendandum locum, supra praetermisimus, c. 16. „*Non illam quidem gentem hosticam incursatur — sed quod celebre esset, Indos, quos Gymnosopistas appellant, hisce in partibus versari, opum quidem omnium et cujusque pretii negligentes, solis vero diversoriis sapientissimi, quae humi manu exhauiunt, aditibus perangusta, enimvero subter capacibus spaciata, quod id genus aedium neque pretii scilicet indigens, et ad flagrantiam solis aestivam aptius habeatur.*“ Grammaticis legibus satisfiet, si sapientissimos scripseris, et fortasse *soli*, i. e. in solo factis, diversoriis; sed vereor, ne vocabulum desit, veluti: *soli vero diversoriis capientissimis utentes* etc. Mox clarum est, scribi oportere *capacious*, et in fine fortasse *abditius* habeatur, cum in Cod. *apertius* legatur. Redeo ad finem libri. cap. 91. „*Igitur in Aegyptum corpus Alexandri ferebatur, ferebro quidem regaliter exornato, tumultuario vero conditorio e plumbi materia, quodque esset unguinibus atque pigmentis, quae servandis corporibus sunt, tutius permanere.*“ Recite in h. l. Maius scripsit *tutius pro totius*, quod Cod. habet; sed male dedi *quodque* cum lectio Cod. *quoque* integerrima sit. Sensus est, conditorum e plumbio factum propter festinationem, unde *tumultuarium* dicitur, et *quo tutius* esset unguentis etc. Sed infinitivus *permanere* sapit interpretamentum, illi *tutius additur*, *ut permanerent*, ne permearent, effluerent. Ita in oraculo praeced. cap. vocabulum *annona* v. 3. aperte glossa est: scribendi enim tres priores versus:

Accipe, quae regis sedes cultusque dicetur
Urbs colitur Nili propter limosa fluenta,
aequoris in gremio, cereali munere dives, —
ubi cereali munere aliquis interpretatus est: *annona*. Sed lubrica res est, hos
versus tangere.

Finem imponat his observationibus locus Libri I. c. 3. qui certissima emendatione sanandus. Quadrigis cum Alexandro contendit in ludi Olympicis Nicolaus, Acarnanum rex; „*infert sese Alexander voto praeterlabendi*. Ad hunc conatum equis Nicolai convertentibus; titubans dexter equus cernuantique persimilis, implicatos reliquos secum moratur.“ Ita ope codicis Graeci se emendavisse ait Maius, cum in Cod. Valerii esset: *dexterae medis*, cernuantiq. etc. Quid in Graecis legatur, nescimus, sed Latina lectio certissima est; lege: *equis Nicolai convertentibus*, titubans *dextera e mediis*, etc. quadrigae erant, ubi recte equi ad temponem *medii* (*μέσους ζυγίους* vocat Euripid. Iphig. Aul. 333.) a *funalibus* distinguntur; neque foemininum dubium esse potest: amabant enim *equas* procuruli certamine, et noster praeterea plurima animalia foeminino genere usurpat. Interim si quis *dexter e mediis* propter *implicatos reliquos* praeferat, cum nemine altercabitur.

Sed cum hoc procuruli certamine nos quoque cursum nostrum peregrimus, exspectaturi, an cum Mammonte Odontotyranno *μοροζελητη* palmam merituri simus.

